

## داود و بَتْشِبَع

بهار سال بود، اسرائیل قد آمونی ها د جنگ بود، مگم داود پادشاه د شار اورشلیم مَند. یگ روز د وخت شام داود د بَلَى قصر خُو قدم مِیزد و چِیم شی د یگ خاتون نُوربند افتاد که درو غسل مُوكد. داود پادشاه نفرای خُوره رَیی کد تا روش کنه که او کی آسته. غَیتِیکه اونا پس آمد، معلوم شد که او بَتْشِبَع دُختر ایلیام و خاتون اُوريای حتّی آسته.

داود نفرای خُوره بسم رَیی کد که امُو خاتُوره د پیش شی بَیره. از وخته، نفرای شی رفته بَتْشِبَع ره از خانه شی د دیر داود اوُرد و او قد شی خاو کد. بعد از چند وقت، بَتْشِبَع د داود پادشاه پَیغام رَیی کد که "ما حامله شُدیم."

ازی خاطر، داود د سرکرده لشکر خُو، یواب، پَیغام رَیی کد که اُوريای حتّی ره خانه رَیی کنه. داود میخاست که اُوريا

قد زَنْ خُو بَشَه تاکه گُناهِ داود تاشه شُنه. أَگرچه أُوريَا دَ اورُشَلِيمَ أَمَدَه، مَكْمَ أَوْ دَخَانَهِ خُو نَرَفَت. ازوخته، داود يواب ره أَمَرَ كَدَ كَه ”أُوريَا ره دَ دَمْ جَنَگَ رَيَى كُو وَ دِيَگَه لَشَكَرَ ره كَمَى أَمَرِ عَقِبِ نِشِينَى بِدَى تاکه أُوريَا دَ بَيَّنِ دُشَمَوَ گَيْرَ أَفْتَدَه كُشَتَه شُنَه.“ أَمَى رقم، يواب أَمَرِ داود ره قَبُولَ كَدَ وَ أُوريَا دَ مَيَّدَوْنِ جَنَگَ كُشَتَه شُدَ.

ايچى كه خبرِ كُشَتَه شُدَوْنِ أُوريَا ره دَ پَيَشِ داود آُورَدَ ترسِيدَ كه از شِنِيدَوْنِ ازى تورَه داود شايد قارشى بيه. مَكْمَ داود فقط امْوَقَسَ گُفتَ كَه: ”يواب ره بُكَى كَه كَلو دِقَ نَشُو، ازى كه شَمَشِيرِ لِحَاظِ هِيَچَ كَسَ ره نَمُوكَنَه.“ بَعْدَ ازُو، داود بَتَشِبَعَ ره خاتُو كَدَ. مَكْمَ ازى كار خُداونَدَ بَدَ شَى أَمَدَ.

پس خُداونَدَ، ناتان پَيَغَمَبَرَ ره دَ پَيَشِ داود رَيَى كَدَ. وَ ناتان پَيَغَمَبَرَ دَ پَيَشِ داود يَكَ نَقَلَ كَدَه گُفتَ: ”دَ يَكَ شَارِ دُو نَفَرِ زِندَگَى مُوكَدَ. يَكَ شَى دَارَا بَودَ وَ دِيَگَه شَى

نادار بود. آمُو نفرِ دارا يگ گلّهِ مال دشت و نادار فقط يگ  
برّه گک داشت. آمُو برّه دَ دِل شى اُوقس شِيرِين بود و اُوره  
بسیار با احتیاط کُته کد. آمُو برّه ره دَ آندازهِ دُختر خُو  
دوست دشت.

يگ روز يگ میهمو دَ خانهِ آزمُو آدم سرمایدار آمد. دَ جای ازی  
که مالِ خود خُوره دَ میهمون خُوبُکُشه، برّه امُو غریب ره  
گرفته کُشت.

از شِنیدون ازی توره، داود غدر قارشی آمد و گُفت: "آمُو  
آدمی که امی کاره کده باید کُشته شُنه!"

натان گُفت: "آمُو نفر خود تُو استی! خُداوند، خُدای  
إسرائیل، مُوگه که مَا تُوره پادشاهِ إسرائیل مُقرر کُدم، از  
چَنگ شائول خلاص کده دز تُو پادشاهی دَدم. اگه آمُو  
آندازه بَس نَمُوكد، ما تُوره دُو چَند شی مِیدُم. تُو چِکه ای  
کارِ بَدره کدی؟ اُوريَا ره کُشتی و خاتُون شی ره گرفتی.

ازی خاطر، کُشت و خُواز خانواده تُو گُم نَمُوشە و ما از  
بَیِن فامِل خود تُو د سر تُو يگ بلا مَيْرُم. يگ نفر از  
قَومَای نزدِيک تُو قد خاتُونوی تُو خاو مُونه. تُو قد  
بَتَشِبَع تاشکى کار بَد کدى، مَكَم ما آمُو بلا ره د روزِ  
روشو د سر تُو مَيْرُم تا تمام بَنَى إِسْرَائِيل بِنَگَرَه، و آمُو  
بچه که از بَتَشِبَع پَيِدا مُوشە، حتماً مُومَرَه.

داود گُفت: "گردون مه د پيش خُدا بَسته يه؛ ما گُناه کار  
استُم."

بعد از داود اينى رَقَم د خُدا عُذر و زاري کد:

"خُدايا، بخاطرِ مُحبَّت بے پايان خُود زمه رحم کُو.  
مره از گُناه پاك کُو که غدر کار بَد کديم  
و تُو حق درے که مره جزا بِدَى.  
خُدايا، دِل مره صاف کُو، و دزمه يگ دِل پُر از وفا و خُلوص  
بِدَى.

خُدايا، نَه مَره از پيِشگاهِ خُو دُور كُو  
 و نَه رحمت و ياري خُوره از مه دريغ كُو.  
 ما مِيدَنُم که إنسان از بَخْشِيشِ گُناهِ خُو خوش مُوشه.  
 آمو خوشى ره دَزمه پس بِدِي.  
 دِل مَره نرم كُو که از تُو اطاعت كُنم.  
 اگه تُو قُرباني ميخاستى ما قُرباني مُوكِدم،  
 مِكَم تُو از قُرباني خوش نَمُوشى.  
 يگانه قُرباني که تُو از إنسان ميخاهى،  
 دِلِ نَرم و شِكستهِ شى استه،  
 توبه کُنِنده ره تُو ناأمِيد نَمُوكُنى.”

اگرچه خُدا توبهِ داود ره قبُول کده گُنای شى ره بخشید  
 ولے باز آم پيِشگويى ناتان پَيغمبر پُوره شُد. خلاصه،  
 آمو نِلغهِ که پَيدا شُد مُرد و بعضِ بَچه هاي داود بَلدئ شى  
 درِ سر جور شُد. از وخته، بتِشَبَع يگ بَچه دِيگه کد. نام  
 آزو ره سُليمان ايشت و خُدا او ره دوست دشت.

غَيْتِيتكه داود پِير شُدَه و دَمُردو نزدِيک بود، اُو ناتان  
پَيغمبر و صَدوق پِيشوا ره کُوي کده گُفت: "سُلَيمان ره  
پادشاه إسرائيل اعلان کُنيد." ازوخته، اونا يگ مراسِم  
گرفت که سُلَيمان ره پادشاه انتخاب کنه. داود دَبَچه خُ  
گُفت: "از احکام خُدا پَيروی کُوتا دَ هر کاري که مُوكُنى  
کامياب شُنى. اگه بچكِيچاي تُوا م از خُدا اطاعت کنه،  
خُدا واعده خُوره پُوره مُونه و أولاده از مه برای هميشه دَ  
سر إسرائيل پادشاهى مُوكُنه."